



Publicaziuns dalla vischnaunca, jamna 50

Damonda da baghegiar

Nr. 2011-1060

Datum da publicaziun: ils 16 da december 2011

Il patrun: Fabian Fry, Via Buretsch 3A, 7180 Segnas

Il representant: Rosmarie Fry-Maissen, Via Buretsch 3A, 7186 Segnas

Object: Disfar e reconstruir la tegia da vacanzas, construir in access niev tier la tegia, parcella 3024, Cavorgia Sura, 7180 Disentis/Mustér

Nr. 2011-1061

Datum da publicaziun: ils 16 da december 2011

Il patrun: Augustin Maissen, Via Mumpé Tujetsch 1, 7186 Segnas

Il representant: LBA Architekturbüro, Malinweg 1, 7203 Trimmis

Object: Engrondaziun dil baghetg d'economia, parcelas 2075 e 2990, Via Mumpé Tujetsch, 7186 Segnas

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta scretta dil recurrent ni da siu representant.

Disentis/Mustér, ils 12-12-2011

Uffeci da baghegiar Disentis/Mustér

Resultats dalla votaziun communal dils 27 da november 2011: Corrigenda

Votaziun communal

Diember dils votants 1587

Participaziun alla votaziun 41%

Center da sport e cultura – sanaziun dils indrezs ordaviert

Dau giu cedels 649

Cedels vits 3

Cedels nunvaleivels 3

Total cedels vits e nunvaleivels 6

Cedels valeivels 643

Gie 393 61%

Na 250 39%

Disentis/Mustér, ils 27-11-2011

Il biro electoral

Il president: Iso Mazzetta

Igl actuar: Andri Hendry

Cussegl da vischnaunca

Il cussegl da vischnaunca seraduna **venderdis, ils 16 da december 2011 allas 19.30** en stanza da sedutas el plaunterren dalla casa communal a sia **davosa seduta d'uonn**.



Tractandas:

1. Protocols nr. 21- e 22-2009/2012
2. Revisiun parziala dalla planisaziun locala (messadi nr. 36-2009/2012)
3. Hotel .Disentiserhof.: Contribuziun alla sanaziun dil bogn cun la finamira da promover il turissem (messadi nr. 33-2009/2012)
4. Agenda 2012
5. Ura da damondas (conform ad art. 44 dil regulativ da fatschentas)
6. Elecziuns:
 - 6.1 dil president ni dalla presidenta dil cussegl da vischnaunca per 2012
 - 6.2 dil vicepresidente ni dalla vicepresidente dil cussegl da vischnaunca per 2012

La presidenta dil cussegl da vischnaunca

Administraziun communal

Sur las fiastas da Nadal e Daniev ei l'administraziun communal **serrada** ils suandonts dis:

venderdis, ils 23 da december 2011
gliendisdis, ils 26 da december 2011, Sogn Stiafen
gliendisdis, ils 2 da schaner 2012

Nus giavischein ina biala fiasta da Nadal ed in bien onn 2012!

Administraziun communal Disentis/Mustér

Preventiv 2012

Ils 11 da november 2011 ha il cussegl da vischnaunca approbau unanimamein il preventiv 2012.

Encunter quella decisiun ei enteifer il termin fixau buca vegniu fatg diever dil referendum facultativ, aschia ch'il preventiv 2012 ei approbaus definitivamein.

Suprastonza communal

Reducziun individuala dallas premias dalla cassa da malsauns 2011

Persunas e famiglias che vivan en relaziuns economicas mudestas, san risguardond certas premias, dumandar contribuziuns vid las premias dall'assicuranza da basa obligatoria per la tgira da malsauns (LAM).

Persunas che han aunc buca fatg diever dil dretg san far quei entochen la fin digl onn 2011 (**davos termin, datum dil bul da posta 31.12.2011**).

Informaziuns, basa legala, muossavia ed il formular d'annunzia anfleis Vus sin la pagina d'internet www.sva.gr.ch. Vus saveis era retrer ils formulars tier l'administraziun communal.

Per damondas stein nus bugen a Vossa disposiziun

Administraziun communal Disentis/Mustér



Novs burgheis

En concordanza cun las autoritads cantunalas e federalas ha la vischnaunca concediu a:

Donny Joe Wilkins, 1966

concediu dalla suprastonza communal a igl 1. d'avrel 2011, consentiment da cantun e confederaziun ils 11 da fenadur 2011

Daniel Filipe Travassos Cavaleiro, 1991

concediu dalla suprastonza communal ils 21 da fenadur 2011, consentiment da cantun e confederaziun ils 7 da november 2011

il dretg da burgheis dalla vischnaunca da Mustér.

Nus selegrein d'astgar beneventar nos novs burgheis en nossa cuminonza da votantas e votants e giavischein ad els tut bien.

Suprastonza communal

Controlla da habitonts

Mortori

Leci Decurtins-Caminada, naschius ils 28-9-1941, morts ils 12-12-2011.

Naschientscha

Lean Enea Schmed, naschius ils 7 da december 2011, feagl da Carin e Romeo Schmed-Friberg.

Apparats d'udida

Gliendisdis, ils 19 da december 2011 saveis Vus schar schubergiar e regular Vies apparat d'udida en Casa da tgira Sursassiala a Mustér e Curaglia:

**a Mustér naven dallas 14.00 tochen ca. las 15.15,
a Curaglia naven dallas 15.30 tochen ca. las 16.30.**

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit Casa da tgira Sursassiala

Center sursilvan d'agricultura **Finiestra d'advent**

Uonn s'envidan las finiastras d'advent a Salaplauna e contuorn. Ellas ein envidadas entochen ils 6 da schaner 2012, mintgamai dallas 17.00–23.00. Bien divertiment da contemplar ils bials motivs da Nadal!

Gievgia, ils 29 da december ei il Center sursilvan d'agricultura aviarts naven dallas 18.00. Ils visitaders dil calender d'advent san sescaldar cun vin cauld, punsch e petta fatg sez.

Adventsfenster

Dieses Jahr werden die Adventsfenster von Disentis in Salaplauna und Umgebung ge.ffenet. Sie leuchten jeden Abend von 17.00–23.00 Uhr, und dies bis 6.1.2012.



Am Donnerstag, 29.12.2011, ist das Center ab 18 Uhr geöffnet. Die Besucher können sich während oder nach dem Besichtigen der Adventsfenster mit Glühwein oder Punsch aufwärmen und dazu unsere selbst gebackenen Kuchen geniessen.

**9. exposiziun d'art en casa da scola Segnas
ils 10/11 e 16/18 da december 2011**

Temps d'avertura:

sonda, ils 10-12-2011, 18.00–22.00

dumengia, ils 11-12-2011, 14.00–19.00

venderdis, ils 16-12-2011, 18.00–22.00

dumengia, ils 18-12-2011, 14.00–19.00

Ovras da: Barbara Donnarumma, Mariette Lombard, Felicia Deflorin, Fis Guldimann, plinavon stat igl artist Linus Flepp a disposiziun en siu atelier

Ustria: stiva da caffè cun spezialitads dil vitg

Entrada: libra

Organisatur: Chor-baselgia Segnas

Concert da Nadal

Sonda, ils 17 da december allas 20.00 en baselgia parochiala s. Gions a Mustér.

Entrada libra, collecta.

Suenter concert stiva da caffè en halla Cons.

Cordialmein envida Societad da musica Mustér

Concert festiv cun igl orchester Südböhmische Kammerphilharmonie Budweis

Mardis, ils 27 da december 2011 allas 20.00 ella sala
Peter Kaiser dalla claustra da Mustér.

Christina Daletska (sopran), Josias Just e Martin Zimmermann (clarinetta), Simon Camartin (dirigent).

Uniun da dunnas: Solver suenter rorate

Mardis, ils 20 da december vegn offeriu suenter rorate in pign solver en halla Cons.

Nus selegrein da Vossa viseta.

La suprastonza

**Uniun da tscheiver Mustér
Contribuziuns per la Sibla**

Siblus enquera aunc ina ni l'autra contribuziun (glossa) per la gasetta da tscheiver Sibla 27, che cumpara il fevrer 2012.



Contribuziuns a scret cun il num ed adressa digl autur san ins tarmetter tochen ils 6 da schaner 2012 a: Christina Bundi, Via S. Gions 2, 7180 Disentis/Mustér ni via la pagina d'internet www.tscheiver.ch.

Participaziun al til da tscheiver da Mustér 2012

Ils 18 da fevrer 2012 allas 14.00 ha liug il 33avel til da tscheiver a Mustér. L'Uniun da tscheiver Mustér envida pign e grond, dalunsch e damaneivel da separticipar al til. Sin Vossas annunzias selegra la suprastanza.

Annunzias e damondas tier il president:

Gion Hosang, tel. 079 690 97 42
e-mail: gion.hosang@tscheiver.ch
ni via internet: www.tscheiver.ch

Surselva Classic ils 7 da schaner 2012

Mira sut Trun!

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.
Biblioteca populara Mustér